



საქართველოს მთავრობის ბანკარბულება

№ 2508 2018 წლის 28 დეკემბერი ქ. თბილისი

„საქართველოს მთავრობასა და იტალიის რესპუბლიკის მთავრობას შორის
საიდუმლო ინფორმაციის გაცვლისა და ორმხრივად დაცვის შესახებ“
შეთანხმების საქართველოს პარლამენტში რატიფიცირებისათვის წარდგენისა
და მომხსენებლებად ნ. მიქელაძის, გ. ლილუაშვილისა და ნ. ბერიძის
დანიშვნის თაობაზე“

1. „საქართველოს საერთაშორისო ხელშეკრულებების შესახებ“
საქართველოს კანონის მე-15 მუხლის პირველი პუნქტისა და „საქართველოს
მთავრობის სტრუქტურის, უფლებამოსილებისა და საქმიანობის წესის
შესახებ“ საქართველოს კანონის მე-5 მუხლის „ქ“ ქვეპუნქტის შესაბამისად,
საქართველოს პარლამენტს რატიფიცირებისათვის წარედგინოს
„საქართველოს მთავრობასა და იტალიის რესპუბლიკის მთავრობას შორის
საიდუმლო ინფორმაციის გაცვლისა და ორმხრივად დაცვის შესახებ“
შეთანხმება.

2. „საპარლამენტო მდივნის შესახებ“ საქართველოს კანონის მე-4 მუხლის
მე-6 პუნქტის შესაბამისად, საქართველოს პარლამენტში
რატიფიცირებისათვის წარდგენილ ამ განკარგულების პირველ პუნქტში
აღნიშნულ შეთანხმებაზე, საქართველოს პარლამენტის პლენარულ სხდომაზე
მომხსენებლად დაინიშნოს საქართველოს მთავრობის საპარლამენტო მდივანი
ნათია მიქელაძე, ხოლო საქართველოს პარლამენტის საკომიტეტო სხდომებზე
მომხსენებლებად დაინიშნონ საქართველოს სახელმწიფო უსაფრთხოების

სამსახურის უფროსის მოადგილე გრიგოლ ლილუაშვილი და საქართველოს სახელმწიფო უსაფრთხოების სამსახურის ადმინისტრაციის უფროსის მოადგილე ნანა ბერიძე.

პრემიერ-მინისტრი



მამუკა ბახტაძე